



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Hvberto Cantvarien. Archiepiscopo.

urn:nbn:de:hbz:466:1-20006

CONSULIBVS ET POPVLO
Castellan. nobilibus viris, & aliis per
Castellan. diocesim constitutis.

Epist. 369.
Vt Pontifici fi-
delitatis jura-
mentum præ-
stet.

GRates multimodas omnipotenti Deo debetis referre quòd vestris videtis temporibus adimpleri quæ vestri progenitores summo desiderio affectarunt. Vobis etenim est summopere congaudendum, quòd terra vestra, quæ ad jus & proprietatem Ecclesiæ Rom. pertinere dignoscitur, cum dudum fuerit per violentiam occupata, & per occupationem vehementer oppressa, nunc ad ejsdem Ecclesiæ Rom. naturale dominium redeat non coacta, & ipsius jurisdictioni gratanti voluntate subdatur. Cùm igitur vos, filij Consules, cum quibusdam aliis in præsentia nostra fidelitatis nobis exhibueritis juramentum, dilectos filios Marsican. Subd. & Capellan. & nobilem virum Iohannem familiarem nostros ad partes vestras decrevimus destinandos. Volentes, & universitati vestræ per apostolica scripta mandantes, quatenus in eorum manibus universi & singuli fidelitatis iuramenta præstetis, ut deinceps auctore Deo terra vestra sub apostolicæ sedis dominio optata valeat securitatis & pacis tranquillitate gaudere. Nos enim ad ea quæ honori vestro & utilitati viderimus expedire, diligens studium & efficacem operam impendimus.

HVBERTO CANTVARIEN.
Archiepiscopo.

Epist. 370.
De recuperan-
dis Ecclesiæ
bonis.

CVM à nobis peritur &c. usque ad verbum assensu, fraternitati tuæ auctoritate apostolica indulgemus, firmiterque præcipimus, ut ea quæ à temporibus Ric. & Bald. antecessorum tuorum circa res & possessiones atque patrimonium Cantuarien. Ecclesiæ & mensam archiepiscopalem in grave damnum & jacturam Ecclesiæ illicitè alienata repereris, appellatione remota per censuram ecclesiasticam mediante iustitia revoces, & debitis usibus non differas applicare. Revocationes verò illorum quæ per prædecessores tuos circa mensam archiepiscopalem, possessiones, Ecclesias, & Ecclesiarum concessiones auctoritate apostolica legitimè revocata sunt, ratas & firmas esse jubemus; tibi districtius injungentes ut ea, nostra fretus auctoritate, firmiter appellatione remota facias

observari. Decernimus ergo &c. indulgentiæ nostræ &c. Si quis autem &c. Datum Perusij XIV. Kal. Octobris.

HVBERTO CANTVARIEN.
Archiepiscopo.

Monet nos apostolicæ sedis, cui licet immeriti præsidemus, auctoritas pro statu omnium Ecclesiarum provida circumspeditione satagere, & ne malignorum rapinis vel molestiis exponantur, apostolicum ipsis patrocinium exhibere. Eapropter, venerabilis in Christo frater, tuis iustis precibus & honestis gratam conniventiam impendentes, statutum illud quod carissimus in Christo filius noster R. illustris Anglorum Rex super libertate ac immunitate Ecclesiarum & personarum ipsarum post redemptionem sui provida deliberatione fecisse dignoscitur, sicut in scripto ipsius Regis exinde confecto plenius continetur, auctoritate apostolica confirmamus, & præsentis scripti pagina communimus; & ad hujus rei perpetuam firmitatem, continentiam ipsius rescripti de verbo ad verbum his duximus inferendam. RICHARDUS Dei gratia Rex Angliæ, Dux « Normanniæ, Aquitaniæ, Comes Ande- « gavenfis, Archiepiscopis & Episcopis « & universo Clero regni Angliæ, salutem. « Gratias agimus affectuosas universitati « vestræ pro eo quòd de thesauris & orna- « mentis ecclesiasticis & facultatibus ve- « stris ad corpus nostrum redimendum « tam benignè nobis & liberaliter subve- « nistis, & quòd nobis in tanta necessitate « res Ecclesiarum vestrarum & vestras gra- « tis exponere voluistis. Ne igitur quod de- « mera liberalitate à vobis actum est ad li- « berationem corporis nostri & ineffabi- « lem honorem & utilitatem nostram, fu- « turis temporibus trahatur in consequen- « tiam, & sanctæ matri Ecclesiæ vel vobis « dispendium pravæ importet consuetudi- « nis, ad omnium volumus notitiam per- « venire quòd ea quæ nobis in prædicto « necessitatis articulo contulistis, nec un- « quam ex debito vel per consuetudinem « exegimus, nec posteris sumus temporibus « exacturi, nec hac vel alia occasione volu- « mus dignitatibus sanctæ matris Ecclesiæ « in aliquo vel ejus libertatibus obviare, « sed pro omni posse nostro & scientia « (Deo volente) volumus omnem ejus « immunitatem & universas ejus dignita- « tes & liberrates (ut dignum est) con- «

Epist. 371.
Confirmat de-
cretum quoddam
Regis Angliæ.

Epist. 371.
De bono
communi
interim
in Holy
manor.

Epist. 371.
Confirmat de-
cretum quoddam
Regis Angliæ.

servare integras, & pro loco & tempore, in quibus licuerit, augmentare. Nulli ergo &c. Datum Perusij, XV. Kal. Octobris.

ABSALONI LVNDEN.

Archiepiscopo.

Epist. 372.
De bonorum
quorundam
praesertim
fratris Hasij
donatione.

Fratres & coepiscopos nostros, tam propinquos, quam longè positos, sincera tenemur caritate diligere, ipsoque in his quæ justè requirunt, libenter & efficaciter exaudire. Eapropter, venerabilis in Christo frater, tuis justis precibus clementer annuimus, & ad exemplar fe. record. Urbani Papæ prædecessoris nostri castrum de Hasij, quod illustris memoria Waldem. olim Rex Dacie tuæ fraternitati contulit, & tu tali conditione interposita Rostkilden. Ecclesiæ pia consideratione dedisti, ut ipsum debeas quoad vixeris detinere, post decesum tuum ad Ecclesiam ipsam liberè devoluendum, sub jamdictæ conditionis tenore, sicut ipsum justè & sine controversia possides, cum omnibus pertinentiis suis, auctoritate tibi apostolica confirmamus, & præsentis scripti pagina communimus. videlicet villam ipsam de Hasij, mansionem de Otherslef cum omnibus pertinentiis suis, scilicet Sersfel, Solbiarge, Huanlolde, Wigislef, Walbu, mansum unum Brunfoge, Imbrethorp, mansiones de Gesnetofte & de Murhoge cum omnibus pertinentiis earum, mansiones de Barsuerthe & de Wigurm cum omnibus pertinentiis earum, mansiones de Husfretop & de Haverthi cum omnibus pertinentiis earum, mansiones de Burgbu & de Hiartharum cum omnibus pertinentiis earum, & universam partem earum quæ acquisivit Nicolaus Castellanus tuus, juxta tenorem pacti quod inter vos convenit. Nulli ergo &c. Datum Perusij, X. Kal. Octob.

PETRO ARYSIEN. EPISCOPO.

Epist. 373.
Confirmat statum
de sex
praebendarum
instituzione.

Officij nostri debitum & caritas ordinata requirit ut quæ à fratribus & coepiscopis nostris acta laudabiliter fuerint, auctoritatis nostræ præsidio inconvulsam obtinant firmitatem & plenam in futuro agendi fiduciam tribuant potiora. Sicut autem ex parte tua, venerabilis in Christo frater, nostris est auribus intimatum, de bonis patrimonialibus, & aliis quæ rationabiliter acquisisti, ac de his quæ commissa tibi Ecclesia

priùs habuerat, sex præbendas providè statuisti Canonicis assignandas, qui eidem Ecclesiæ debeant deservire. Nos ergo statutum ipsum dignis in Domino laudibus commendantes, ut firmiter omnibus futuris temporibus observetur, prout circumspèctè & providè factum est, & in authentico scripto venerabilis fratris nostri Absalonis Lunden. Archiepiscopi expressius continetur, auctoritate apostolica confirmamus. Nulli ergo &c. Datum Perusij, VI. Kalend. Octobris.

VPSALEN. ELECTO.

Receptis tam dilectorum filiorum Capituli Vpsalen. Ecclesiæ literis, quam plurium aliorum, qui pro Pallij datione apud nos vehementer instabant, de tua fuimus promotione gavisi. Qui sperantes in Domino quòd eo adjuvante commissæ tibi administrationis officium debeas salubriter exercere, ad augmentandum tuæ dignitatis honorem, quem in susceptione Pallij es cum potestatis plenitudine suscepturus, prompto favore libenter intendimus ad instatiam dilectorum filiorum Thobia nuntij venerabilis fratris nostri Lunden. Archiepiscopi & Walterij nuntij tui, petitionibus prædictorum clementiùs annuentes. Vnde nos ipsum de beati Petri corpore sumptum, plenitudinem videlicet pontificalis officij, tibi transmittimus, ut tibi per venerabilem fratrem nostrum Lunden. Archiepiscopum vice nostra, sub ea forma juramenti quam expressam ei sub Bulla nostra transmittimus, assignetur. Tu verò, tanquam vir providus & discretus, illud de manibus ejusdem Archiepiscopi juxta formam prædictam cum omni devotione suscipiens, eo in festivis diebus & aliis temporibus quæ in Ecclesiæ tuæ privilegiis exprimentur, utaris; ita videlicet ut ex tantæ culmine dignitatis spiritum tibi superbiæ non assumes; sed quanto fueris præminentior dignitate, tanto juxta illius magistri exemplum qui eum qui major inter discipulos suos erat fieri voluit minorem, ministrari non veniens, sed causa humilitatis aliis ministrare, te omnibus humiliorem exhibeas, te potiùs exaltandum humilitate sciturus. Misericordiæ quoque operibus jugiter te præstes intentum, quæ beatos efficit suos sectatores, eisdem evangelica Veritate consecutu-

Epist. 374.
Qualiter Pallij
attendum sit.